

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i u skladu sa Programom utroška sredstava u Ministarstvu za rad, socijalnu politiku i izbjeglice, za 2019. godinu, broj: 02-14-8204/19 od 14.05.2019. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 16. sjednici održanoj dana 01.08.2019. godine, d o n o s i

ODLUKU

o odobavanju sredstava za sufinansiranje infrastrukturnih projekata na području Zeničko-dobojskog kantona s ciljem potpore povratku

Član 1. (Predmet)

(1) Odobravaju se sredstva u ukupnom iznosu od 130.000,00 KM (slovima: stotintridesethiljada konvertibilnih maraka) kao učešće Zeničko-dobojskog kantona u sufinansiranju realizacije infrastrukturnih projekata u Gradu Visoko i općinama Tešanj, Žepče i Olovo, s ciljem pružanja potpore povratku.

(2) Sredstva iz stava (1) ovog člana odobravaju se u iznosima kako slijedi:

- a) Iznos od 50.000,00 KM za sufinansiranje projekta „Izgradnja puta u MZ Kralupi na potezu lokalnog puta Slatina – Čifluk“, Grad Visoko;
- b) Iznos od 30.000,00 KM za sufinansiranje projekata „Izgradnja puta Trepče – Šljivice“, općina Tešanj;
- c) Iznos od 30.000,00 KM za sufinansiranje projekata u općini Žepče:
 - 1) „Asfaltiranje puta Gornji Vitlaci – Brijeg u MZ Vitlaci“20.000,00 KM;
 - 2) „Rekonstrukcija lokalnog puta u MZ Vinište dionica prijelaz preko pruge – Križ“10.000,00 KM;
- d) Iznos od 20.000,00 KM za sufinansiranje projekta „Sanacija lokalnog puta Olovske Luke – Gurdići“, općina Olovo.

Član 2. (Analitička konta)

Sredstva za realizaciju infrastrukturnih projekata iz člana 1. ove odluke isplatit će se iz Budžeta Zeničko-dobojskog kantona za 2019. godinu („Službene novine Zeničko-dobojskog kantona“ 3/19), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“, na način definisan Sporazumom o udruživanju sredstava za realizaciju infrastrukturnih projekata na području Zeničko-dobojskog kantona, koji čini sastavni dio ove odluke.

Član 3. (Uplata sredstava)

(1) Uplata odobrenih finansijskih sredstava će se vršiti na račun izvođača radova, odabranih nakon provođenja procedure odabira izvođača radova u skladu sa Zakonom o javnim nabavkama Bosne i Hercegovine („Službeni glasnik BiH“ broj: 39/14), koju će provoditi Federalno ministarstvo raseljenih osoba i izbjeglica, kao Nosilac projekta.

(2) Ugovori o izvođenju radova na projektima iz člana 1. stav (2) ove odluke će se potpisati između sufinansijera na realizaciji ovih projekata sa odabranim izvođačima radova.

Član 4.
(Ovlaštenje i provođenje Odluke)

(1) Ovlašćuje se Azra Šabanović, ministrica za rad, socijalnu politiku i izbjeglice da u ime Vlade Zeničko-dobojskog kantona potpiše Sporazum o udruživanju sredstava za realizaciju infrastrukturnih projekata na području Zeničko-dobojskog kantona, kao i ugovore o izvođenju radova na projektima iz člana 1. stav (2) ove odluke.

(2) Za realizaciju ove odluke zadužuju se Ministarstvo za rad, socijalnu politiku i izbjeglice i Ministarstvo finansija svako u okviru svojih nadležnosti.

Član 5.
(Izvještavanje)

Federalno ministarstvo raseljenih osoba i izbjeglica, kao Nosilac projekata će koordinirati sa Ministarstvom za rad, socijalnu politiku i izbjeglice Zeničko-dobojskog kantona, s ciljem praćenja i izvještavanja o stepenu implementacije projekata.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona”.

Broj: 02-14-12253/19

Datum, 01.08.2019. godine

Zenica

PREMIJER

Mirza Ganić

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Federalno ministarstvo raseljenih osoba i izbjeglica, (putem ministarstva),

1x Grad Visoko, Općine Tešanj, Žepče i Olovo, (putem ministarstva),

1x “Službene novine Zeničko-dobojskog kantona”,

1x a/a.